

Namminersorlutik Oqartussat nalunaarutaat nr. 14 ulloq 27. juuni 2016 nioqqutissianik ineriartortitsinernut, avammut niuernermik siuarsaanernut, professioniliusumik siunnersuisarnermut (qiortagaq), sermimik imermillu suliniutinut aamma takornariartitsinermi suliniutinut tapiissuteqarneq pillugit

Nunami inuussutissarsiutinut tunngatillugu inuussutissarsionermik siuarsaaneq pillugu Inatsi-sartut inatsisaanni nr. 20, 3. december 2012-imeersumi § 6, § 8, imm. 3 aamma § 9, imm. 3 naapertorlugit aalajangersarneqarpoq:

Kapitali 1

Nioqqutissianik ineriartortitsinernut tapiissutit

Tapiissutit annertussusiat

§ 1. Nioqqutissianik ineriartortitsinermut aningaasartuutinut tapiissuteqartarneq pisassaaq tapiissuteqarnissamut neriorsuummi procenti aalajangerneqartoq tunngavigalugu.

Tapiissuteqartoqarsinnaavoq aningaasanngorlugu annerpaamik 300.000 kr.-nut.

Imm. 2. Neriorsuut imm. 1 naapertorlugu ilassuserneqarsinnaanngilaq tapiissuteqarnissamut neriorsuummik § 3, § 9 imaluunniit § 12 naapertorlugit.

Neriorsuutip atuuffia

§ 2. Nioqqutissianik ineriartortitsinermut tapiissuteqarnissamut neriorsuut nammineerluni atorunnaassaaq neriorsuummi ulluliussap qaangiunnerani.

Kapitali 2

Avammut niueruteqarnermik siurasaarnermi suliniutinut tapersiineq

§ 3. Ukiumoortumik aningaasanut inatsimmi aningaasaliissutissatut aalajangersarneqarsima-sut iluanni avammut niueruteqarnermik siurasaaniarnermik suliniutinut tapiissuteqarnissamut neriorsuisoqarsinnaavoq, tamatumani aamma avammut niuernermut siunnersuisoqatigiinniit, handelskammerimiit il.il., kiisalu nioqqutissianik sassartaarussinernut atorneqartussanik.

Imm. 2. Piffissami ukiunik pingasunik sivilisussusillip iluani annerpaamik neriorsuutininik marlunnik nalunaaruteqartoqarsinnaavoq inummut pineqartumut imaluunniit ingerlatseqatigiiffimmut.

Imm. 3. Neriorsuut imm. 1 naapertorlugu ilassuserneqarsinnaanngilaq tapiissuteqarnissamut neriorsuummik § 1, § 9 imaluunniit § 12 naapertorlugit.

Tapiissutit annertussusiat

§ 4. Aningaasartuutunik taarsiilluni tapiissuteqarnermi avammut niuernikkut siuarsaanermut suliniutitut aningaasartuutit tamakkiisumik matussuserneqassapput, taamaattoq annertunerpaamik 50.000 kr.-it.

Neriorsuutip atuuffia

§ 5. Avammut niuernikkut siursaataasussanik suliniutitut tapiissuteqarnissamik neriorsuineq nammineerluni atorunnaassaaq neriorsuuteqarnermi piffissaliussaasoq qaangiuppat.

Kapitali 3

Qiortakkat - siunnersortimit professionel-iusumit ikiorserneqarnissamut tapersuineq

§ 6. Piffissap ukiuni pingasunik sivisussusillip iluani annerpaamik neriorsuutunik marlunnik nalunaaruteqartoqarsinnaavoq aalajangersimasunik annertussusilinnik aningaasartalinnik, siunnersortimit professionel-iusumit ikiorserneqarnissamut inummut pineqartumut tassunga ingerlatseqatigiiffimmulluunniit.

Imm. 2. Neriorsuut imm. 1 naapertorlugu ilassuserneqarsinnaangilaq tapiissuteqarnissamut neriorsuummik § 1, § 3, § 9 imaluunniit § 12 naapertorlugit.

Tapiissutit annertussusiat

§ 7. Professionel-iusumik siunnersortitut aningaasartuutitut taarsiilluni tapiissuteqarnermi aningaasartuutit tamakkiisumik matussuserneqassapput, taamaattoq annertunerpaamik 25.000 kr.-nut, professionel-iusumik siunnersortitut aningaasartuutitut, suliffeqarfimmik pilersitsinermut.

Neriorsuutip atuuffia

§ 8. Tapiissuteqarnissamut neriorsuut professionel-iusumik siunnersortitut ikiorserneqarnissamut (qiortagaq) nammineerluni atorunnaassaaq neriorsuuteqarnermi piffissaliussaasup qaangiunnerani.

Kapitali 4

Kalaallit nerisassiaannik atuinerup inerisarneqarnissaanut kiisalu sermimit imermillu suliniutitut tapersiineq

§ 9. Ukiumoortumik aningaasanut inatsimmi aningaasaliissutissatut aalajangersarneqarsi-masut iluanni Kalaallit nerisassiaannik atuinerup inerisarneqarnissaanut aamma sermimut imermillu tunngasumik suliniutitut tapiissuteqarsinnaanermut neriorsuisoqarsinnaavoq.

Imm. 2. Tapiissuteqarnissamut neriorsuut tunniunneqarsinnaavoq kalaallit nerisassiaannik aamma sermimit imermillu nioqqutissianik ineriartortitsinernut tunngatillugu.

Imm. 3. Neriorsuuteqarneq imm. 1 naapertorlugu akulerussilluni ilaqqinneqarsinnaangilaq § 1, § 3 imaluunniit § 12 naapertorlugit.

Tapiissutit annertussusiat

§ 10. Kalaallit nerisassiaannik atuinerup inerisarneqarnissaanut aamma sermimit imermilluunniit nioqutissiassanut aningaasartuutunik taarsiilluni matussusiineq tunniunneqarsinnaavoq tapiissuteqarnissamut neriorsuutaasumi aningaasartuutaasut 50 %-iattut akiliuteqarnikkut. Tapiissuteqartoqarsinnaavoq aningaasanngorlugu annerpaamik 300.000 kr.-nut.

Neriorsuutip atuuffia

§ 11. Tapiissuteqarnissamut neriorsuut kalaallit nerisassiaannik atuinerup ineriartortinneqarnissaanut aamma sermimit imermilluunniit suliniummut nammineerluni atorunnaassaaq neriorsuuteqarnermi piffissaliussaasup qaangiunnerani.

Kapitali 5

Takornariartitsinermi suliniummut tapersiineq

§ 12. Ukiumoortumik aningaasanut inatsimmi aningaasaliissutissatut aalajangersarneqarsi-masut iluanni takornariartitsinermit tunngasumik suliniutinut tapiissuteqarsinnaanermut neriorsuisoqarsinnaavoq.

Imm. 2. Tapiissuteqarnissamut neriorsuut tunniunneqarsinnaavoq takornariartitsinermi nioqutissianik ineriartortitsinernut ussasaarinernullu tunngatillugu.

Imm. 3. Neriorsuuteqarneq imm. 1 naapertorlugu akulerussilluni ilaqqinneqarsinnaanngilaq § 1, § 3 imaluunniit § 9 naapertorlugit.

Tapiissutit annertussusiat

§ 13. Takornariartitsinermik nioqutissianut aningaasartuutunik taarsiilluni matussusiineq tunniunneqarsinnaavoq tapiissuteqarnissamut neriorsuutaasumi aningaasartuutaasut 50 %-iattut akiliuteqarnikkut. Tapiissuteqartoqarsinnaavoq aningaasanngorlugu minnerpaamik 10.000 kr.-nut, annerpaamillu 300.000 kr.-nut.

Neriorsuutip atuuffia

§ 14. Takornariartitsinermik nioqutissiamut tapiissuteqarnissamut neriorsuut nammineerluni atorunnaassaaq neriorsuuteqarnermi piffissaliussaasup qaangiunnerani.

Kapitali 6

Ataatsimut aalajangersakkat

§ 15. Tapiissutit ataatsimoortillugit akilerneqarsinnaapput, tamakkiisumik tapiissutunik

tunniussisoqarsinnaananut aningaasartuutit akilerneqarsimanerisa uppersarneqareernerisigut.

Imm. 2. Tapiissutiniq tunniussisarnermi tunngaviuvoq aningaasartutit toqqaannartumik siunertanut qinnuteqaammi nalunaarneqartunut tunngasuunerat.

Imm.3. Tapiissutiniq tunniussisoqarsinnaanngilaq aningaasartuutitut tapiissuteqarsinnaa-nermut neriorsuummik tunniussisoqarnera sioqqullugu akilerneqarsimasunut.

Nalunaarusiortarneq

§ 16. Tapiissutiniq tiguisisussap uppersartaatip ilaatut nalunaarut suliarissavaa suliniummot tamarmiusumut tunngatillugu, kiisalu aamma aningaasaliissutit qanoq atorneqarsimanerat pillugu.

Imm. 2. Nalunaarusiaq skemamut nalunaarusiorfissamut allanneqassaaq, nassiunneqassallu-nilu tapiissutissat tunniunneqarnissaannut qinnuteqaammut ilanngullugu.

Atortuulerfia

§ 17. Nalunaarut una atortuulerpoq 1.juuli 2016. Ilutigitillugu atorunnaarpoq Tunisassianik ineriartortitsinermut, ingerlatanut avammot tuniniaanissamik siuarsaasunut, kalaallit nerisassiaannik atuinermik siuarsaasunut aamma inuussutissarsiuqatillugu siunnersortinit ikiorneqarnissamut tapersiissuteqartarneq pillugu Namminersorlutik Oqartussat nalunaarutaat nr. 3, 17. februar 2014-imeersoq.

Namminersorlutik Oqartussat, ulloq 27. juuni 2016

Vittus Qujaukitsoq

/

Jørn Skov Nielsen